

Չեղարկման աշխատանք

| | |
|--|--|
| <p>Կազմակերպության տվյալներ</p> <ul style="list-style-type: none"> • Անվանում, հասցե • Տնօրեն • Էլ.հասցե • Չեղարկում | <p>«Մասնակցային դպրոց» կրթական հիմնադրամ Վահրամ Սողոմոնյան masnakayindproc@gmail.com +37493581908</p> |
| <p>Չեղարկման թեմա/վերնագիր</p> <ul style="list-style-type: none"> • Չեղարկման թեմա | <p>Կոմիտասի երգերի դերը որպես հայեցի դաստիարակության միջոց չորրորդ դասարանում</p> |
| <p>Ուսուցչի տվյալներ</p> <ul style="list-style-type: none"> • Անուն, ազգանուն, հայրանուն • Մասնագիտություն • Չեղարկում • Էլ. հասցե • Դասավանդվող առարկաներ • Դասարաններ | <p>Չարությունյան Ալլա Սանասարի Երաժշտության ուսուցչուհի 098 90 36 15 allaharutyunyan11@gmail.com Երաժշտություն 1-7 դասարաններ</p> |

**Ուսումնական
հաստատության տվյալներ**

- Անվանումը, հասցե
- Հեռախոս
- Էլ. հասցե
(տնօրենության)
- Web կայքի հասցե

Ռուբեն Սևակի անվան համար 151
հիմնական դպրոց
Ք. Երևան, Բաբայան 40
010 25 57 88

rubensevak151sc@mail.ru

Ք. Երևանի թիվ 151 հիմնական դպրոցն
ունի 360 աշակերտ, 22 դասարան:

Բովանդակություն

| | |
|--|-----------|
| Ներածություն | 3 |
| Հիմնական բովանդակություն Կոմիտասը և նրա մանկական երգերի ուսուցման նշանակությունը կրտսեր դպրոցում | 5 |
| Հետազոտության ընթացքը Կոմիտասի մանկական երգերի ուսուցումը «Երաժշտություն» ուսումնական առարկայի ուսուցման գործընթացում | 18 |
| Եզրակացություն | 25 |
| Օգտագործված գրականություն | 26 |

Ներածություն

| | |
|---|--|
| <p>Նպատակը և հետազոտական հարցը</p> | <p>Ջետազոտության նպատակն է ուսումնասիրել Կոմիտասի երգերի դերը որպես հայեցի դաստիարակության միջոց չորրորդ դասարանում:</p> <p>Ջետազոտական հարց - Արդյո՞ք Կոմիտասի երգերը ձևավորում են հայեցի դաստիարակություն չորրորդ դասարանում:</p> |
| <p>Ո՞ր առանցքային կոմպետենցիային/կարողունակությանն է ուղղված նպատակի ուսումնասիրությունը</p> | <p>Մշակութային կարողունակություն – Սովորող-ները ճանաչում են հայ մշակույթի բաղադրիչները՝ որպես մարդկային զգացմունքների և գործողությունների կողմնորոշիչներ: Նրանք արժևորում են սեփական ինքնությունը, ընտանիքի, համայնքի և պետության դերը: Աշակերտները ձևավորում են սեփական նախասիրություն ազգային մշակութային ժամանակաշրջանների ուսումնասիրության ընթաց-քում: Նրանք ի վիճակի են զարգացնել սեփական մշակութային ու գեղագիտական պատկերացում-ները՝ արժևորելով հոգևոր ժառանգությունն ու մշակութային բազմազանությունը, ճանաչելով հայ ազգային երաժշտական արվեստը և ձևավորելով մշակութային գրագիտություն և ճաշակ [1]:</p> |
| <p>Ջետազոտության թիրախային խումբը և շրջանակը /քանակ, սեռային բաշխում/</p> | <p>Չորրորդ «ա» դասարան, 21 աշակերտ (10 աղջիկ, 11 տղա)</p> |

| | |
|---|---|
| | |
| <p>Օգտագործված հետազոտական մեթոդները, գործիքները (օրինակ՝ քանական հետազոտություն՝ հարցաթերթիկի միջոցով, որական հետազոտություն՝ խորին հարցազրույցի միջոցով եւ այլն)</p> | <p>Կատարվել է տեսամեթոդական գրականության վերլուծություն, զրույց, դիտարկում:</p> |
| | |
| <p>Հետազոտության իրականացման ժամանակահատվածը</p> | <p>2023 թվականի սեպտեմբեր</p> |
| | |

Հիմնական բովանդակություն

Գրականության ակնարկ

- Մեջբերումներ արդեն արված հետազոտություններից,
- Մեջբերումներ գրականությունից, տեղեկության վստահելի աղբյուրներից:

Պարտադիր է կատարել հղում աղբյուրին

Հայ երաժշտությունը ոչ միայն մեղկ ու տխուր չէ, այլ համակ ուժ է և կենդանություն, ու իր մեջ կը սնուցանե փիլիսոփայությունն իսկ, ոգին իսկ իր ցեղին, որովհետև երաժշտությունը ամենեն մաքուր հայելին է ցեղին, ամենեն հարազատն ու կենդանին անոր բոլոր արտահայտությանց մեջ՝ կենդանի, որքան կենդանի է այդ ցեղը, ուժեղ, որքան ուժեղ է իրեն ծնունդ տվող ժողովուրդը:

Կոմիտաս

Հայկական ազգային երաժշտությունը դժվար է պատկերացնել առանց Կոմիտասի: Նրա գիտական և ստեղծագործական գործունեությունը նոր էջ բացեց հայ երաժշտական մշակույթի պատմության մեջ: Հայ երգին, հոգևոր և ժողովրդական երաժշտությանը վերաբերող գիտական ուսումնասիրությունները Կոմիտասը ներկայացրել է Եվրոպայի մի շարք քաղաքներում (Բեռլին, Փարիզ, Ժնև, Լոզան և այլն), այդ թվում՝ Միջազգային երաժշտական ընկերության համաժողովներին, որի հիմնադիր անդամներից էր [3, էջ 539]:

Կոմիտաս-գիտնականը նպատակ ուներ աշխարհին ներկայացնել հայկական երաժշտական հարուստ մշակույթի ավանդույթները և ապացուցել, որ «հայն

ունի ինքնուրույն երաժշտություն»:
Անգևահատելի է Կոմիտասի ավանդը
բանահավաքչության գործում: Ճրջե-լով
հայաբնակ բազմաթիվ բնակավայրերով՝
հմուտ երաժիշտը ձայնագրել է հայ
ժողովրդ-դական երգարվեստի տարբեր
ժանրերի պատ-կանող մի քանի հազար երգ՝
այսպիսով մոռացումից փրկելով հայ
ժողովրդի ստեղծած մի ողջ մշակույթ: Այդ
երգերն իր գիտական և ստեղծագործական
երկերի ատաղձն են կազմում: Որպես
երգահան, երգիչ և խմբավար՝ Կոմիտասը
բազմաթիվ համերգներ է ունեցել
Հայաստանում, Եվրոպական երկրներում,
Եգիպտոսում, Կոստանդնուպոլսում,
Թիֆլիսում և այլուր. նրա կատարումները
մշտապես հիացական արձագանք են ունեցել
ունկնդիր-ների շրջանում [4, էջ 92]:
Կոմիտասը դասավանդել է Գևորգյան
ճեմարանում, ապա նաև մասնավոր դասեր
վարել Կոստանդնուպոլսում: Նա կրթել է
շնորհալի երիտասարդների մի ողջ սերունդ:
Կոմիտասի աշակերտներից ոմանք հայ
երաժշտության բնագավառում կարևոր դեր
խաղացին: Կոմիտասի կատարած գործը
շարունակում է մնալ արդիական և մենք
այսօր էլ շարունակում ենք աշխարհին
ապագուցել, որ հայկական մշակույթը
դարերով մեր ժողովրդին ուղեկցած արժեք է,
որը պետք փոխանցել սերնդե-սերունդ և

պահպանել օտար ազդեցություններից, ինչով
Էլ պայմա-նավորված Է «Կոմիտասի
մանկական երգերի ուսուցումը չորրորդ
դասարանում» մեր կողմից ընտրված
հետազոտության թեմայի
արդիա-կանությունը:

Կոմիտասը համարվում Է ժամանակակից
հայկական դասական երաժշտության
հիմնա-դիրը: Չայտնի Է որպես երաժշտական
ազգա-գրության ռահվիրաներից մեկը:
Սողոմոն Սողոմոնյանը ծնվել Է 1869
թվականի սեպ-տեմբերի 26-ին (ևոր
օրացույցով՝ հոկտեմբերի 8-ին) Փոքր Ասիայի
Քյոթահիա քաղաքում [7]: Մկրտվել Է
ծնունդից երեք օր անց Սուրբ Թեոդորոս
եկեղեցում և ստացել Սողոմոն անունը:
Չայրը՝ Գևորգ Սողոմոնյանը,
մասնա-գիտությամբ կոշկակար էր, որի
ընտանիքը գաղթել էր Նախիջևանի Գողթն
գավառի Ցղնա գյուղից, իսկ մայրը՝ Թագուհի
Չովհաննիս-յանը, արմատներով Բուրսայից
էր, և երբ իր տղան ծնվեց, նա ընդամենը 16
տարեկան էր: Սողոմոնը նրանց միակ
զավակն էր: Երկուսն Էլ մեծ սեր ունեին
երաժշտության նկատմամբ: Տանը խոսում
էին միայն թուրքերեն: Երբ Կոմիտասն
ընդամենը վեց ամսական էր, նրա մայրը
մահացավ, իսկ տասը տարեկանում տղան
կորցրեց նաև հորը: Դրանից հետո նրան
սկսում Է դաստիարակել հորական տատը՝
Մարիամը, որը նրա համար եղել Է երկրորդ

մայր: Մոր մահը խորը վերք էր թողել Սողոմոնի հոգում, և նրա առաջին ստեղծագործու-թյունները նվիրված էին հենց նրան:

1875 թվականին փոքրիկ Սողոմոնն ընդունվեց իրենց քաղաքի միջնակարգ ուսումնա-րան, որն ավարտեց 1880 թվականին և հոր նախաձեռնությամբ մեկնեց Բուրսա քաղաք՝ ուսումը շարունակելու: Նա վերադարձավ հայրենի քաղաք հոր մահվանից չորս ամիս անց: Կոմիտասի մանկության ընկերը նրան բնութագրում էր որպես «գրեթե անօթևան»: Նա լիովին զրկվեց ծնողական խնամքից՝ դառնալով հոգեպես խոցելի, ինչը ևս դարձավ տարիներ հետո նրա մոտ ի հայտ եկած հիվանդության պատճառ: Սողոմոնի կյանքում շրջադարձային էր 1881 թվականը: Սեպտեմբերին 12-ամյա Սողոմոնը Քյոթահիայի հոգե-վոր առաջնորդ Գևորգ վարդապետ Դերձակյա-նի հետ մեկնում է Էջմիածին: Գևորգ Դ Կաթողիկոսը հրահանգել էր, որ Գևորգ վարդապետը իր հետ Քյոթահիայից մի որբ աշակերտ բերի: Քսան երեխաների միջև վիճակահանության արդյունքում բախտը ժպտաց Սողոմոնին: Յուրաքանչյուրի 1-ին Սողոմոնը ներկայացավ կաթողիկոսին: Վերջինս սկսեց խոսել հայերեն և տղան ոչինչ չհասկացավ: Երբ կաթողիկոսն ասաց, որ տղան այդտեղ

անելիք չունի, քանի որ չգիտի հայերեն, Սողոմոնը պատասխանեց, որ եկել է սովորելու ու երգեց: «Լույս Չվարթ» երգելիս Սողոմոնը նկատեց, թե ինչպես կաթողիկոսի աչքերից արցունքներ գլորվեցին և թավալվելով ճերմակ մորուսի վրայով՝ կորան վերարկուի ծալքերի մեջ: Պատմական այս հուզիչ դրվագը գեղարվեստական իր ներկայացումն է ստացել Պարույր Սևակի «Անլռելի զանգակատուն» պոեմում: Հետո արդեն տղան Գևորգյան ճեմարանի ուսանող էր, որտեղ նա վերջապես հոգևոր խաղաղու-թյուն գտավ [6, էջ 139]:

1881-1910 թվականներին Սողոմոնը մեծ մասամբ եղել է Էջմիածնում, չնայած երկար ժամանակ է անցկացրել Եվրոպայում: Ճեմա-րանում ուսուցման առաջին տարում նա սովորեց հայկական ձայնանիշերը՝ խազեր, որոնք զարգացվել էին XIX դարում Համբար-ծում Լիմոնջյանի և Նրա ուսանողների կողմից: Սողոմոնը բացահայտեց երաժշտության հան-դեպ իր մեծ սերը և սկսեց ձայնագրել Էջմի-ածնի շրջակայքի գյուղերում երգվող երգերը: Գյուղացիները նրան «Նոտայի Վարդապետ» անունն էին տվել: Կոմիտասը ամառն անց էր կացնում Հայաստանի տարբեր գյուղերում՝ առանձնահատուկ հարաբերություններ հաս-տատելով գեղջուկների հետ [7]:

Այդ ամենի արդյունքում Կոմիտասը լուծեց հայկական գեղջկական երգերի վերարտադրման և պահպանման բարդ գիտական խնդիրը: 1903 թվականի վերջին երեք տարվա հավաքագրումներից հետո լույս տեսավ «Հազար ու մի խաղ» ժողովրդական երգերի հավաքածուն:

Կոմիտասի համերգային շրջագայությունները նպատակ ունեին հասարակությանը ծանոթացնել հայ ժողովրդական երաժշտությանը և այդ ասպարեզում կատարած

ոաումնասիրություններին: Իր դասախոսությունները Կոմիտասը ուղեկցում էր ժողովրդական երգերի ոգեշունչ մեկնաբանմամբ: Ներքին մեծ հուզմունքով կատարում էր քնարական, ծիսական, աշխատանքային և այլ երգեր, ղեկավարում էր իր կազմակերպած երգչախմբերը, որոնց մասնակից էր դառնում տեղի հայ երիտասարդությունը:

Կոմիտաս Վարդապետը ժամանակի հետ քայլող անձնավորություն էր. նա ուներ կնիքներ, այցեքարտ, անվանական ծրար, կրում էր մոդեսի տեսքով կրծքագարդ և իր սիրելի սաներին ու մտերիմներին անվանում էր «բերթենքելե»՝ մոդես [6, էջ 169]:

1915 թվականի ապրիլի 24-ին երիտթուրքական վարչակարգը շուրջ 600 հայ մտավորականների հետ ձերբակալեց

Նաև Կոմիտաս Վարդապետին և աքսորեց Չանդր (Կոստանդ-նուպոլսից 800 կմ հեռու): Երկու շաբաթ անց եվրոպական և ամերիկյան դեսպանների միջնորդությամբ նա ազատ արձակվեց և վերադարձավ Կոստանդնուպոլիս: Աքսորից վերադառնալուց հետո Կոմիտաս Վարդապետ-տի առողջական վիճակը կտրուկ վատացավ: Նա ստացավ հոգեկան խանգարում և նրա մոտ ձևավորվեց հետվնասվածքային սթրես: Կոստանդնուպոլսի ատելության մթնոլորտը և հայերի զանգվածային կոտորածների մասին լուրերը շարունակում են խաթարել նրա զգայուն հոգեկան վիճակը: Մինչև 1919 թվականը նրան նախ տեղավորում են թուրքական ռազմական հոսպիտալում և ապա՝ տեղափոխում Փարիզի հոգեբուժա-րան, որտեղ էլ տառապանքների մեջ անց է կացնում իր կյանքի վերջին տարիները: Կոմիտասին ընկալում են որպես ցեղասպանության զոհ, արվեստում պատկերում որպես ցեղասպանության հիմնական խորհրդանիշ-ներից մեկը: Եղեռնի քստմնելի դրվագները, իր աշխատանքների կորուստը ծանր ազդեցին Վարդապետի նուրբ և զգայուն ներաշխարհի վրա, և նա կորցրեց հոգեկան անդորրը՝ ծանր և խորը վերապրելով իրականության և իր ժողովրդի կործանման ողբերգությունը: Նրա թողած

վերջին գրության մեջ, երբ բորբոքված ուղեղում դեռ չէին մարել գիտակցության վերջին կայծերը, հնչում է անելանելիությունն ու խոր հուսահատությունը:

Վարդապետի մոտ ակնհայտորեն խորա-նում էին հետապնդման մանիայի ախտանշանները, և ըստ հուշագիրների՝ յուրաքանչյուր ցնցում և ձայն սարսափեցնում էր նրան: Վարդապետին թվում էր, թե թուրքերն անընդհատ հետապնդում են իրեն, ուստի և նա ձգտում էր բացարձակ միայնության և լռության, հաճախ չէր ընդունում իր վաղեմի բարեկամներին և ծանոթներին, իրեն տեսնել ցանկացող երկրպագուներին: Բժշկապետ Վահրամ Թորգոմյանը 1916 թվականի աշնանը, խորհրդակցելով Կոստանդնուպոլսի հայտնի հոգեբույժ դոկտոր Գոնոսի հետ, Վարդապետին տեղափոխեց Ստամբուլի Շիշլի թաղամասի *Hospital de la Paix* հիվանդանոցը, ուր Վարդապետը մնաց մինչև 1919 թվականը: Պայծառատեսության պահերին նա բազմիցս բողոքել է հիվանդանոցի անտանելի պայման-ներից. «Սնունդը՝ շան լափ, կեղտ ու ոջիլ, միակ բուժումը՝ մեկուսացում և անտարբեր վերաբերմունք»: Առաջին համաշխարհային պատերազմի ավարտից հետո հայ գաղութը Վարդապետի վիճակը

բարելավելու նպատակով որոշեց նրան ուղարկել Ֆրանսիա: 1919 թվականի ապրիլին Կոմիտասին տեղափոխեցին Փարիզի Վիլ-Եվրայի հոգեբուժարան, իսկ 1922 թվականի օգոստոսին միջոցների սղութ-յան պատճառով՝ Վիլ-ժուլիֆի հոգեբուժարան, ուր Վարդապետը մնաց մինչև իր կյանքի վերջը [6, էջ 139]:

Իրականում Կոմիտաս Վարդապետի հիվանդության վերաբերյալ կան բազմաթիվ վարկածներ: Մինչ օրս նրա հիվանդությունն ու մահվան ստույգ պատճառը մնում է անհայտ: Վերջինս անսպառ նյութ է հանդիսանում գիտական և պատմական ուսումնասիրութ-յունների, քննարկումների համար: Կոմիտաս Վարդապետը վախճանվեց 1935 թվականի հոկտեմբերի 21-ին առավոտյան ժամը 6-ին Վիլ-ժուլիֆի հիվանդանոցում՝ գարշապարի թարախակալումից առաջացած բարդություն-ների հետևանքով: Մահից հետո ստեղծվեց Կոմիտաս Վարդապետի մահադիմակը: 1936 թվականին նրա աճյունը փոխադրվեց Երևան և թաղվեց Կոմիտասի անվան պանթեոնում: Կոմիտասի կյանքի ողջ ընթացքը ներծծված է հայ ժողովրդի գլխին թափված տարբեր աղետներով:

Կոմիտասի ստեղծագործական ոճը յուրա-հատուկ է իր տեսակի մեջ: Հիմնվելով հայ ավանդական երաժշտական մշակույթի

առանձնահատկությունների վրա՝ ևս հայտ-նաբերեց հարմոնիայի և պոլիֆոնիայի կիրառման նոր և հարուստ հնարավորություններ, որոնք պատշաճ էին հայ երաժշտական մտա-ծողությանը: Նրա երաժշտական ժառանգու-թյունն ընդգրկում է վոկալ («Անտունի», «Կռունկ», «Ծիրանի ծառ», «Ալ ալլուդս», «Չինչ ու զինչ» և այլն), խմբերգային՝ ժողովրդական և հոգևոր («Անձրևն եկավ», «Լուսնակն անուշ», «Գութաներգ», «Հայր մեր», «Ով զարմանալի», «Այսօր ձայնն հայրական», «Էջ Միածինն ի Հօրե», «Տեր, ողորմեա» և այլն), և դաշնամուրային («Յոթ պար», «Մշո շորոր» և այլն) ժանրի ստեղծագործություններ: Կոմիտասի ստեղծագործության մեջ առանձնակի կարևորություն է ներկայացնում իր միակ ավարտուն մեծա-կտավ գործը՝ «Պատարագ»-ը արական կազմի համար [7]: Կոմիտասն ունեցել է նաև օպերա ստեղծելու մի քանի մտահղացումներ, որոնք մնացել են անկատար:

Կոմիտասը հավաքել և գրառել է ավելի քան 3000 հայկական ժողովրդական երաժշտու-թյան նմուշներ, որոնցից ավելի քան կեսը հետագայում կորել է և միայն մոտ 1200-ն է պահպանվել: Բացի հայ ժողովրդական երգե-րից, ևս նաև հետաքրքրվել է այլ մշակույթ-ներով և 1904 թվականին հրատարակել քրդա-կան

Ժողովրդական երգերի երբևէ գոյություն ունեցող առաջին ժողովածուն: Նրա երգչա-խումբը շատ եվրոպական երկրներում ներ-կայացրել է հայկական երաժշտությունը: Կոմիտասը 1910 թվականին հաստատվում է Կոստանդնուպոլսում՝ խուսափելով Էջմիած-նի ծայրահեղ պահպանողական հոգևորա-կանների վատ վերաբերմունքից և հայկական երաժշտությունը ներկայացնում ավելի լայն լսարանի: Կոմիտասին ջերմորեն ընդունել են հայկական համայնքներում, իսկ Արշակ Չոպանյանը նրան անվանել է «հայկական երաժշտության փրկիչ»:

Անգնահատելի է Կոմիտասի հավաքչական ու գիտական աշխատանքը: Նա ժողովրդա-կան երգերը գրառել է ազգագրագետի վար-պետությամբ, գեղագետի պահանջկոտությամբ և գիտնականի վերլուծական դիտողա-կանությամբ: Երաժշտական բանահյուսությ-յան մի շարք հնագույն և բարձրարվեստ նմուշների հայտնաբերումը (հեթանոս հավա-տալիքներին առնչվող հորովելների եղանակ-ները, «Սասունցի Դավիթ», «Մոկաց Միրզա» վիպական ասերգերը, անտունիներն ու հոգևոր տաղերը) համարվում է պատմամշա-կութային խոշոր հայտնագործություն, իսկ հավաքած ավելի քան 4000 գեղջկական երգերը՝ հայ

Ժողովրդական երգարվեստի անթոլոգիա: Կոմիտասը տեսական աշխատություններում բացահայտել է ժողովրդական երաժշտության կենսական հիմքերը, բնութագրել հայ երգի գեղագիտական արժանիքները, վերլուծել տեսակներն ու կառուցվածքային հատկանիշները: Չավաքագրելով և պահպանելով հայկական ժողովրդական երգերը՝ Կոմիտասը պահպանեց Արևմտյան Չայաս-տանի մշակութային ժառանգությունը, որը հակառակ դեպքում կկորսվեր ցեղասպանության արդյունքում: Մեծ հանճարի գրիչը չի սահմանափակվել երաժշտությամբ: Կոմիտասը նաև տասնյակ բանաստեղծությունների հեղինակ է: Սակայն դրանք վարդապետի կենդանության օրոք չեն տպագրվել: Կոմիտասն իրեն չէր համարում կոչումնաձուլ բանաստեղծ, նա գրում էր ինքն իր համար:

Կոմիտասի երաժշտությունը և դրա դասավանդումը հանրակրթական կրտսեր դպրոցում հայեցի դաստիարակության բացառիկ միջոց է: Կոմիտաս իմանալը շատ կարևոր է մեր մատաղ սերնդի համար, ով պետք է ապրի վառ գույներով, աշխույժ ու լուսավոր ապագայով: Չափահաս տարիքում կոմիտասյան մեղեդին դառնում է հասկացողություն, կենսա-կերպ, արժեք: Մեզ համար մեծ խնդիր է տարածել հայ մաքուր

երգը՝ Կոմիտասի երգը՝ որը պետք է լինի հոգևոր կրթության հիմնա-քար: Կրտսեր դպրոցում Կոմիտաս ուսումնա-սիրում ենք առաջին դասարանից: Ամբողջ տարվա ընթացքում առաջին դասարանում, սովորողները Կոմիտաս լսում և երգում են գրեթե բոլոր տոների ժամանակ: Կոմիտասի՝ ծիսական երգերի և խաղերգերի միջոցով, զարգանում է կրտսեր դպրոցականի երաժշտական ճաշակը: Արդեն երկրորդ դասարանում կարող ենք սովորել Կոմիտասի այն բանաստեղծությունները, որոնք ուսումնական ծրագրով նախատեսված են տվյալ տարիքի սովորողների համար: Երկրորդ դասարանում մենք ավելի լավ ենք սկսում ճանաչել Կոմիտասին, կարդում և լսում ենք նրա ստեղծագործությունները, նկարում և երգում դրանք: Երկրորդ դասարանի սովորողին բարդ է Կոմիտասի կենսագրական տեղեկություններ հաղորդելը, հետևաբար սահմանափակվում ենք որոշ ճանաչողական տվյալներով: Այն, որ Կոմիտասը գրել է շատ մանկական, ծիսական, աշխատանքային երգեր ու բանաստեղծություններ:

Օգտագործելով մեր համակարգչային հիմն-տությունները՝ ինտերնետ ցանցին միացված համակարգիչը, Էլեկտրոնային գրատախտակը օգտագործում ենք ինտերնետում փնտրող-տուֆներ և Կոմիտասի

մասին տեղեկություններ, նրա կատարմամբ ձայնագրություններ գտնելու համար: Կարողանում ենք ուսում-նասիրել և սովորել մեր ծրագրային նյութերը, ունկնդրել Կոմիտասի կատարմամբ որևէ երգ: Երբեմն աշխատում ենք նաև դպրոցի բակում, խոտերի, քարերի վրա նստած, նկարում՝ Կոմիտասի որևէ երգի ներքո: Երեխաները նկարում են այն, ինչ կստացվի այդ երգը լսելիս: Սա օգնում է կապել կրտսեր դպրոցականներին Կոմիտասի հետ, մշակել մաքուր ազգային երաժշտական լսողություն:

Կոմիտասը համոզված էր, որ հայ հոգևոր և ժողովրդական երաժշտությունը նույն կազմությունն արմատն ու ունեն, և քննադատում էր նրանց, ովքեր մակերեսային և սխալ պատկերացումների հիման վրա հայ երաժշտության այդ տեսակները տարբեր էին համարում: Հանրակրթական դպրոցի «Երաժշտութուն» ուսումնական առարկայի ծրագրի և ուսուցման հիմքում ընկած են Կոմիտասի մանկավարժական մոտեցումները: Երաժշտության ծրագրով իրականացվում է հոգևոր երգերի ուսուցում՝ առաջին և երկրորդ դասարաններում ունկնդրման միջոցով, երրորդ, չորրորդ դասարաններից սկսած՝ պարզագույն շարականների ուսուցումով, բարձր դասարաններում հանդիպում են միջին բարդության շարականներ: Մեկ տարվա

ընթացքում սովորողները անցնում են 3-4 շաբաթան, որը իրականում շատ քիչ է հոգևոր մշակույթի բավարար յուրացման համար: Սովորողը ունկնդրում է և ծանոթանում ազգային երաժշտական ստեղծագործության կոմիտասյան մշակման նմուշների հետ: Ուսուցման ընթացքում շատ կարևոր է զգուշավոր մոտեցումը հատկապես կրտսեր դասարանների սովորողների շրջանում: Ուսուցումը պետք է բխի երեխայի շահերից, ունենա երաժշտական լսողությունը, հիշողությունը զարգացնելու, մաքուր երգեցողության-ընդմիտված ուսուցում և զերծ մնա կրոնական թեմաներով զրույցներից: Երգերի տեքստերի բացատրությունը պետք է լինեն զուտ տեղե-կատվական և ոչ ավելին:

Հատվածները ուսուցանվում են հիմնականում խմբային երգեցողության ձևով: Մինչ երգի ուսուցումը երաժշտության ուսուցիչը տեքստը կարդում է սովորողների հետ, մեկնաբանում է բարդ բառերը, որից հետո նոր տեղի է ունենում երգի ուսուցումը: Երգը ուսուցանվում է կտորներով՝ ոչ միանգամից: հոգևոր երգերի հատվածների ուսուցման սկզբնական փուլը բավականին դժվար է: Սովորողները տեքստերը չեն կարողանում արտասանել, իմաստը չեն հասկանում, մեղե-դին կառուցվածքային առումով բարդ է, դժվար ընկալելի: Հոգևոր երգուսուցման միջոցով զարգանում է

| | |
|-------------------------------------|---|
| | <p>երեխայի կենտրոնա-ցումը, երաժշտական հիշողությունը, հղկվում է երգեցողության մաքրությունը, կատարողա-կան, որակական առումով սովորողը մեկ քայլ առաջ է անցնում:</p> |
| | |
| <p>Չետագոտության ընթացքը</p> | <p>Երաժշտության խնդիրները քննելիս անպ-այման պետք է հիմնվել փորձի վրա: Ելակետ պետք է ունենալ ազգային դպրոցը, որովհետև չենք կարող արհամարհել այն, ինչը հարա-զատ է ժողովրդին, և հիմնական տեղ տալ կասկածելի նորամուծություններին: Նորամու-ծություն կատարվում է, երբ յուրացվում է ավանդականը: Սակայն ամենամեծ ու ամե-նացանկալի նորամուծությունը կրթության ասպարեզում այսօր այն կլինի, որ ինչ-ինչ պատճառներով իր արմատներից հեռացած ժողովրդին վերադարձվի իր իսկ ստեղծածը: Հայ մեծագույն մանկավարժները ամենամեծ դպրոցը համարել են ժողովրդական դպրոցը և իրենց ստեղծած կրթական համակարգը փորձել են մոտեցնել ժողովրդական դպրոցին, որովհետև վերջինս լավագույն արդյունքներին հասել է բնության թելադրած պարզագ-ույն միջոցներով: Կոմիտասի երաժշտությունը և հանրակրթական կրտսեր դպրոցում Կոմի-տասի մանկական երգերի դասավանդումը հայեցի դաստիարակության</p> |

հաստատուն ճա-նապարհ է:

Կրտսեր դպրոցում «Երաժշտություն» ուսում-նական առարկայի գործունեության ձևերն են երգեցողությունը, ունկնդրումը, ծեսերի, ծիս-ական գործողությունների, երաժշտական տո-ների իրականացումը, երաժշտական տեսա-կան գիտելիքները, ռիթմիկ և երաժշտառիթ-միկ վարժությունները, երաժշտական և այլ խաղերը, խաղերգերը, նվագակցությունը «բնական», հարվածային և շրխկան նվագա-րաններով, հնչյունային (բառային) ռիթմի-կան և այլն: Խաղերգերը, բնականաբար, ազգային մշակույթի լավագույն նմուշներից են, որոնք կարելի է կատարել՝ հենվելով ինչպես տեքստի, այնպես էլ մանկան ընկա-լունակությամբ ու զգացողությամբ ստեղծածի վրա: Խաղերգն ուսուցանելիս կարելի է համատեղել խաղը, եթե այն հեշտ է և հնարավորություն է տալիս խաղալով կատա-րել: Պարերգերը կատարվում են համապա-տասխան պարի ուղեկցությամբ պարային պարզ շարժումներով: Աշխատանքային եր-գերն ուսուցանելիս, եթե հնարավոր է տվյալ աշխատանքը կատարել, կատարվում է, ցու-ցադրվում, տվյալ աշխատանքին համապա-տասխան կամ ամբողջական կամ մասնակի գործողություն, որն ընթանում է այդ աշխատանքին բնորոշ որոշակի ռիթմով:

Բնության երևույթների, կենդանիների մասին երգերն ուղեկցվում են կենդանու, բնության տարերքի ձայնը, շարժումը նմանակելով, որը կարող է ուղեկցվել ձայնային նմանակու-թյամբ և ռիթմիկ նվագակցությամբ (շոխկան, հարվածային, «բնական» նվագարաններ): Կենցաղային, կատակերգեր, այլ երգեր, որոնք ևս կատարվում են՝ ելնելով երգի բովան-դակությունից, բնույթից, ռիթմիկ կառույցից: Կարող են բեմականացվել՝ զուգակցելով պարային կամ այլ շարժումներով, ուղեկցվում են ռիթմիկ նվագակցությամբ և այլն:

«Երաժշտություն» ուսումնական առարկայի առաջնային խնդիրն է՝ արթնացնել աշակեր-տին, գիտակցել տալու համար, որ գոյություն ունի երաժշտություն, որ ինքը հանդիպելու է երաժշտությանը: Ոչ թե բացատրության ժա-մանակ երաժշտությունը ենթարկել աշակեր-տի անփորձ և դեռ բավական բնությանը մոտ բնազդային աշխարհին, այլ նրան տեղափո-խել դեպի երաժշտության աշխարհ, վերածը-նել, և հանձնվել երաժշտությանը: Երաժշտու-թյան առարկայական ծրագրի համաձայն կրտսեր դպրոցում (1-4-րդ դասարաններ) «Երաժշտություն» ուսումնական առարկայի ուսուցման նպատակներն ուղղված են սովորողների երաժշտական կրթությանը,

Նրանց մոտ երաժշտական մշակույթի ձևա-վորմանը: Երաժշտության ուսուցման խնդիր-ներն են սովորողներին ներկայացնել բարձ-րաճաշակ երաժշտություն, որը կնպաստի նրանց գեղագիտական ճաշակի, երաժշտու-թյուն ունկնդրելու կուլտուրայի ձևավորմանը, երաժշտության, պարի միջոցով ազգային մշակույթին հաղորդակից դարձնելուն, յուրացմանը, երաժշտական մտածողության ձևավորմանը և զարգացմանը, երաժշտական լսողության, ունակությունների բացահայտ-մանը, ազգային, հոգևոր և դասական նյութի յուրացմանը, երաժշտարվեստի զարգացմանը (մանկական երգչախումբ), գեղարվեստական մտածողության ձևավորում և զարգացում, ընդհանուր զարգացման ապահովում, ստեղծագործական երևակայության զարգացում: Կրտսեր դպրոցում ուսուցանում ենք Կոմի-տասի մանկական հետևյալ երգերը. «Արև, արև, եկ, եկ», «Կաքավիկ», «Քելե, քելե», «Էս առուն», «Հինգ էծ», «Շողեր ջան», «Չար, զընզը» և այլն: Ունկնդրվող նյութերը ենթա-դրում են.

- երաժշտական, գեղագիտական ճաշակի ձևավորում,
- ազգային, հոգևոր և համաշխարհային դասական լավագույն ստեղծագործություն-ների իմացություն ունկնդրելու միջոցով:

Ունկնդրվող նյութերն ընտրվում են հայ ազգային, հոգևոր և դասական երգերից, պարեղանակներից, հայ և այլազգի կոմպոզիտորների լավագույն դասական ստեղծագործություններից: Ունկնդրումը հարկավոր է կազմակերպել այնպես, որ սովորողը կարողանա ոչ միայն լսել, այլև ընկալել ստեղծագործությունը: Սա, ինչ խոսք, ամենալուրջ խնդիրներից մեկն է, որը դասավանդողը պետք է լուծի: Երբ մենք փորձում ենք վերլուծել ստեղծագործությունը, ծանրաբեռ-նել հիշողությունը անուններով, զրկում ենք երեխային երաժշտությունն ինքնուրույն ընկալելու հնարավորությունից, խանգարում և թույլ չենք տալիս իմանալու՝ ինչ է երաժշտությունը: Ունկնդրումը սկսվում է դեռ նախակրթարանից, որտեղ պետք է հստակ իմանալ՝ ինչ չափով և երբ մատուցել ծրագրով նախատեսված երաժշտությունը: Նախակրթ-թարանում ունկնդրվող նյութեր կարող են լինել նաև կրտսեր դպրոցի ծրագրային երգերը, իսկ յուրաքանչյուր դասարանում կարող են լինել հաջորդ տարվա ուսուցման համար նախատեսված ծրագրային երգերը: Սովորողը ծանոթանում է, երաժշտական լսողությամբ ընկալում, իսկ հաջորդ տարի՝ բավական հեշտ սովորում:

Հանրակրթական դպրոցում երեխայի ներ-դաշնակ հոգևոր զարգացման կարևոր

խնդիր-ներից մեկը ազգային մշակույթի յուրացումն է՝ ավանդույթներ, ծեսեր, տոներ: Բնականոն կյանքով ապրելու պայմաններում ժողովրդա-կան տոները կգարգանային, կփոխվեին հասարակական փոփոխությունների հետ համաքայլ: 21-րդ դարի սկզբին հայտնվել ենք մի տխուր փաստի առջև. մենք կորցրել ենք ազգային շատ կարևոր արժեքներ և փորձում ենք վերականգնել կորցրածը: Այս գործը պետք է սկսել վաղ հասակից, այսինքն՝ ծնված օրվանից: Երեխան դաստիարակվում և սովորում է՝ յուրացնելով մեծերի փոխանցած մշակույթը: Եթե ընտանիքում, հասարակութ-յան մեջ չի պահպանվել ավանդականը, ապա այդ գործն իր վրա է վերցնում պետությունը կամ կրթօջախը՝ սկսելով նախակրթարանից և շարունակելով մինչև դպրոցն ավարտելը: Հանրակրթական դպրոցում սովորում են տարբեր երաժշտական ունակությամբ սովորողներ՝ բավական թույլից մինչև շատ լավ, երբեմն՝ փայլուն: Յուրաքանչյուր երեխա երգը կատարում է իր ունակությունների չափով: Ռիթմի զգացողությունը, ի տարբերու-թյուն հնչյունի կոնկրետ բարձրությունն ընկալելու հատկությունից, կա հիմնականում բոլորի մոտ: Երաժշտության ներգործությունը երեխաների ընդհանուր գործունեության վրա ուղեկցվում է այս կամ այն շարժումով:

Երաժշտության ուղեկցությամբ երեխաները պարում են, խաղում, արտահայտում տարբեր կերպարներ:

Կրտսեր դպրոցում ազգային երգերը, խաղ-երգերը, պարերգերը երաժշտական կրթության մեջ արդյունավետ նյութեր են: Կոմիտասը չէր կարող սխալվել՝ մանուկների հոգևոր դաստիարակության համար տալով ընտրյալ ազգային երաժշտություն: Անհիշելի ժամա-նակներից մայրերը, տատիկները մանուկների հետ խաղում էին մատնախաղեր, ձեռնա-խաղեր, թռցնոցիներ և այլն: Մեկուկես-երկու տարեկան մանուկները յուրացնում էին մոր և իրենց միջև դրսևորվող խաղերը և դրանք փոխանցում մանկական միջավայր: Մանկա-կան տարրական խաղերին փոխարինում են զարգացած և բազմապիսի ձևեր ունեցող պատանեկան շարժական ու գործիքավոր խաղերը: Վերջիններս ներկայացնում են շըն-չառությունն ու վերջույթները, ճարպկությունն ու ճկունությունը, շրջահայեցությունը զարգացնող խաղեր: Մարմնի շարժումների և խոսքի օրգանների համադրումն օգնում է խոսքի լարվածության և միատոնության վերաց-մանը: Ռիթմիկ շարժումների կատարման ժամանակ երեխաների կողմից ձեռք բերված անկաշկանդվածությունը և անմիջականությամբ-յունը դրական են ազդում

| | |
|--|--|
| | խոսքի օրգանների շարժողական հատկությունների վրա, խթա-նում արտասանական հմտությունների ձևա-վորմանն ու ամրապնդմանը, դրական ազդում ձայնի, խոսքային շնչառության, խոսքի տեմ-պի, շեշտադրության և մեղեդայնության վրա: |
| | |

Եզրակացություններ, առաջարկություններ

| | |
|---|---|
| <p>Վերհանված արդյունքներ, եզրակացություններ, պատասխան հետազոտական հարցին</p> | <p>Ջետազոտության արդյունքում եկանք այն եզրակացության, որ չորրորդ դասարանում Կոմիտասի մանկական երգերի ուսուցման արդյունքում սովորողները ճանաչում են հայ մշակույթի բաղադրիչները՝ որպես հայեցի դաստիարակության միջոց, մարդկային զգացմունքների և գործողությունների կողմնորոշիչներ: Աշակերտները ձևավորում են սեփական նախասիրությունն ազգային մշակութային ժամանակաշրջանների ուսումնասիրության ընթացքում: Նրանք ի վիճակի են զարգացնել սեփական մշակութային ու գեղագիտական պատկերացումները՝ արժևորելով հոգևոր ժառանգությունն ու մշակութային բազմազանությունը, ճանաչելով հայ ազգային երաժշտական արվեստը և</p> |
|---|---|

| | |
|----------------------------|---|
| | ձևավորելով մշակութային գրագիտություն և ճաշակ: |
| | |
| Այլ տեղեկատվություն | |

Օգտագործված գրականության ցանկ

1. Հանրակրթության պետական չափորոշիչի ձևավորման ու հաստատման կարգ: 4.02.2021. N 136-Ն: <https://www.arlis.am/documentview.aspx?docid=149788>
2. «Երաժշտություն» առարկայի առարկայական չափորոշիչ https://escs.am/files/_files/2020-07-15/b04481dd1f12fd897c9c52b7561969d4.pdf – 88 էջ:
3. Հայկական սովետական հանրագիտարան / Վ.Համբարձումյան, Կ.Խուրդավերդյան - 1974. - Հատոր 5. - էջ 539.
4. Ավագյան Յ. Կոմիտաս վարդապետի բաց ստեղծագործություն հասկացողությունը, Կահիրե, 2019: - 92 էջ:
5. Փոլադյան Ս. Կոմիտաս վարդապետը և նրա ներդրումը երաժշտական էթնոգրաֆիայի մեջ:
6. Գասպարյան Գ. Կոմիտասը ժամանակակիցների հուշերում և վկայություններում, Երևան 2009: - 139 էջ:
7. Աթայան Ռ. Հայ քաղաքային ժողովրդական երգը Կոմիտասի ստեղծագործության մեջ: Լրաբեր Հասարակական Գիտությունների, № 11: - 1969 Արխիվացված է [տղիվ](https://web.archive.org/web/20170521000000/http://www.arkhiv.org/) 2017-05-21-ին:

Հավելվածներ

Հաշվետվության կցված Նյութեր

- Հետազոտության գործիքներ (հարցաթերթիկներ կամ այլ)
- Նկարներ
- Արդյունքներ